

SAKSPAPIR

Saksnr	Utval	Type	Dato
017/22	Heradsstyret	PS	23.02.2022
017/22	Formannskapet	PS	16.02.2022

Saksbehandlar	ArkivsakID
Runar Ludvigsen	21/1276

Ny avfallsforskrift, husholdningsavfall - Osterøy kommune

Vedlegg:

Forskrift om handtering av hushaldsavfall i Osterøy kommune
FS 056/21, 08.09.2021 - Forslag til ny avfallsforskrift for Osterøy kommune
Oversendelsesnotat fra BIR AS Avfallsforskrift husholdning
Vedlegg 1 Bergen kommune forslag Avfallsforskrift husholdningsavfall
Vedlegg 2 Øvrige BIR kommuner nynorsk
HØRING AV FORSLAG TIL REVIDERT FORSKRIFT OM HÅNTERING AV HUSHOLDNINGSAV FALL I
EIERKOMMUNENE I BIR (L)(466317)
NY LOKAL AVFALLSFORSKRIFT - NY VIKTIG MELDING - AVKLARING FORELIGGER
21-00027-19 Vedrørende hjemmelsgrunnlag for beregning av gebyr 414482_1_1

Rådmannen sitt framlegg til vedtak:

Forskrift om handtering av hushaldsavfall i Osterøy kommune vert vedteke slik den ligg føre.

Formannskapet - 017/22

FS - behandling:

AVRØYSTING:

Rådmannen sitt framlegg vert samrøystes vedteke

FS - vedtak:

Forskrift om handtering av hushaldsavfall i Osterøy kommune vert vedteke slik den ligg føre.

Saksopplysningar:

Saksopplysningar:

Bakgrunn

Gjeldande avfallsforskrift for Osterøy kommune vart vedteken i heradsstyret 30.10.2013, sak 044/13, sjå vedlegg, og den vart sett i kraft frå 01.03.2014, [Forskrift om handtering av avfall frå hushald, Fusa, Kvam, Os, Osterøy, Samnanger, Sund og Vaksdal kommunar, Hordaland - Lovdata](#).

Utkast til ny forskrift, sjå 1. vedlegg i saka, om husholdningsavfall vart sendt på høyring til kommunane i desember 2019. Bergen kommune valde då å ta over sakshandsaminga for forskrifta for Bergen kommune. Forslag til forskrift er utarbeidd i dialog med BIR, og BIR si vurdering er at dette forslaget til forskrift med nokre mindre justeringar også kan nyttast av dei andre eigarkommunane.

BIR tilrår ut frå rettleiings- og sakshandsamingsomsyn at forskriftene i omegnskommunane vert så like som råd og at vidare at dei er mest mogleg lik forskrifta for Bergen kommune.

BIR har nokre konkrete forslag til justeringar som bør innarbeidast for eigarkommunane utanom Bergen. Dette gjeld

- § 2-2 der BIR får mynde til å krevja inn gebyr på vegne av kommunen, noko som er ei vidareføring av gjeldande praksis
- § 3-1 Handtering av hushaldningsavfall, tredje ledd, der BIR tilrår ei formulering som ivartek framtidige behov for endringar som følgje av nye sentrale krav eller kommunale ønske eller målsetjingar
- § 5-4 Overtredingsgebyr der BIR får mynde til innkreving av overtredingsgebyr på vegne av kommunen til liks med mynde til å ileggja tvangsmulkt. BIR tilrår at begge desse bør delegerast, då dette gir den beste sakshandsamingsprosessen med kort avstand mellom saksbehandling og det operative og kontrollerande leddet.
- § 7.1 Ikrafttreding. Ny forskrift vert sett i kraft etter vedtak i heradsstyret og etter offentlig kunngjering

Forslag til ny forskrift for Bergen kommune og for øvrige eigarkommunar ligg ved.

BIR har lagt opp til ein prosess der kommunane legg forslaget ut til høyring tidleg på hausten 2021. Etter høyringa vert saka lagt fram til politisk handsaming og vedtak av ny forskrift. Etter kunngjering vil ny forskrift tre i kraft.

Reglane for utarbeiding av forskrifter går fram av forvaltningslova kap. VII. Før ei forskrift vert endeleg vedteken skal dei den vedrører ha høve til å uttala seg. Kommunen avgjer korleis høyringa skal skje. Uttale skal gis skriftleg.

Normal høyringsfrist for forskrifter er 6 – 8 veker.

Utkast til forskrift som vert vedteke av formannskapet jf. FS 059/21, vert lagt ut på høyring 13.09.2021 med høyringsfrist 31.10.2021 (7 vekers høyringstid). Det har ikkje kome inn merknadar til utkast til forskrift så langt kommunen har registrert.

Vurdering

Rådmannen sluttar seg til BIR sine vurderingar av behovet for mest mogeleg like forskrifter i eigarkommunane. Ny forskrift vidarefører for ein stor del gjeldande forskrift, men inneheld nødvendige oppdateringar og endringar som følgje av nye lovkrav til avfallshandtering, og er tilpassa eigne målsetjingar i kommunane m.a. knytt avfallsreduksjon og materialgjenvinning.

Folkehelse	-	ikkje vurdert i saka
Miljø	-	ny forskrift stettar krav til forsvarleg og miljøvenleg avfallshandtering
Økonomi	-	ingen endringar i høve til dagens situasjon

Konklusjon

Saka vert lagt fram til handsaming og vedtak.